

大戴禮記解詁

大戴禮記解詁卷之八

南城王聘珍學

子張問入官第六十五

子張問入官於孔子孔子曰安身取譽爲難也

官猶仕也

安定也易曰君子安其身而後動又曰危以動則民不與也譽聲美也詩曰在彼無惡在此無射庶幾夙夜以永終譽子張曰安身取譽如何孔子曰有善勿專教

不能勿搢已過勿發失言勿踣不善辭勿遂行事勿

留君子入官自行此六路者則身安譽至而政從矣

盧注云專爲自納於亡進或聲誤爲搢聘珍謂學記曰今之教者言及於數進而不顧其安不能勿進者論語曰舉一隅不以三隅反則不復也毛詩傳云發行也論語曰不貳過易曰有不善未嘗不知知之未

嘗復行也。玉篇云：踣，曲也。失言勿踣，謂言之或失，不可曲諱也。說文云：辭訟也。廣雅云：遂行也。大學曰：必也使無訟乎。無情者不得盡其辭。盧注云：凡行且夫政事勿稽留之。上六者可以自通，故稱路也。

忿數者，獄之所由生也。距諫者，慮之所以塞也。慢易者，禮之所以失也。墮怠者，時之所以後也。奢侈者，財之所以不足也。專者，事之所以不成也。歷者，獄之所由生也。君子入官，除七路者，則身安譽至，而政從矣。數疾也。獄訟也。距，止也。慮，思也。樂記曰：慢易以犯節，卑廢也。怠，懈也。時後，謂失時也。專，謂專欲。左傳曰：專，以難成。盧注云：歷，歷亂也。故君子南面臨官，大城而公，汙之精知，而略行之，合是忠信，考是大倫，存是美惡，而進是利，而退是害，而無求其報焉，而民情可得也。

城當爲誠形聲之誤

也誠信實也無私曰公倫理次存祭也盧注云精知者當先是六路略行者謂度時而施能合是六路之忠信及進除七路之利害施焉而不求報則民情不失矣故臨之無抗民之志勝之無犯民之言量之無狡民之辭養之無擾於時愛之勿寬於刑言此則身安譽至而民自得也周書諡法曰遂

天虐民曰抗勝之者以理屈之犯陵也量度也狡謂狡詐擾亂也無擾於時者孟子曰不違農時穀不可勝食也寬縱也樂記曰刑以防其奸廣雅云言從也故君子南面臨官所見邇

故明不可弊也所求邇故不勞而得也所以治者約

故不用眾而譽至也邇近也弊敗也約要也用謂役用之也盧注云言所見先求於

近者中庸曰舜其大知也與舜好問而好察邇言也所求邇言所求自近始故詩云無佃甫田勞心忉忉

法象在內故不遠源泉不竭故天下積也而木不寡

短長人得其量故治而不亂

左氏襄三十一年傳曰君子在位作事可法德

行可象內謂身也原木泉本也竭盡也積聚也原泉喻法象而木讀曰如寡旱也言天下既聚則人材不寡如木之或短或長隨人之量度而用之人材各得其用而天下治矣

故六者貫乎心

藏乎志形乎色發乎聲若此則身安而譽至而民自

得也

貫習也盧注云志者心之府也聲言也

故君子南面臨官不治則

亂至亂至則爭爭之至又反於亂是故寬裕以容其

民慈愛以優柔之而民自得也已

盧注云亂至民錯亂也聘珍謂爭競

也反猶重也曾子曰爭辨者作亂之所由興也中庸曰寬裕溫柔足以有容也優柔謂委從之以俟其化

故躬行者政之始也調悅者情之道也善政行易則

民不怨言調悅則民不辨法仁在身則民顯以佚之

也始本也調悅和悅也易曰說以先民民忘其勞說
以犯難民忘其死說之大民勸矣哉行易謂民之
奉行不難也言號令也辨法爭法也左氏昭六年傳
曰民知有辟則不忌於上並有爭心以徵於書而微
倖以成之仁謂躬行調悅也身財利之生徵矣貪以
謂臨官者之身顯明也佚樂也財利之生徵矣貪以
不得貪不得謂貨悖而入者亦悖而出善政必簡
矣苟以亂之簡約也苟謂苟簡論語曰居政而行簡
善言必聽矣詳以失之聽從也詳審察也過於伺察
規諫日至煩以不聽矣煩亂也言臨官者心亂言之
善者在所日聞行之善者在所能爲爲猶行也盧注
者在於終日言之君子行之善者在其故上者民之
能躬行記聽而失之則無益於言行也故上者民之
儀也有司執政民之表也適臣便辟者羣臣僕之倫

也。荀子君道云君者儀也。有司執政謂卿大夫也。表標準也。邇臣便辟謂侍御之臣。盧注云倫理也。言是羣臣羣僕之綱理也。故儀不正則民失誓表弊則百姓亂邇

臣便辟不正廉而羣臣服汙矣故不可不慎乎三倫

矣。釋名云誓制也。失誓謂無所拘制也。弊頓仆也。廉潔也。盧注云服事也。汙濫也。言私謁也。故君

子脩身反道察說而邇道之服存焉。反復也。易曰反復其道服事也。

盧注云脩身當本於道而省其說則近道之事存。是故夫工女必自擇絲麻

良工必自擇齋材賢君良上必自擇左右始故佚諸

取人勞於治事勞於取人佚於治事故君子欲譽則

謹其所便欲名則謹於左右。絲蠶所吐也。麻謂麻草可績績者齋讀曰資便

謂便嬖荀子君道云便嬖左右者人主之所故上者以窺遠收眾之門戶屬齋也。不可不早具也。

辟如緣木者務高而畏下者滋甚六馬之離必於四

面之衢民之離道必於上之佚政也故上者尊嚴而

絕百姓者卑賤而神民而愛之則存惡之則亡也

緣循

也滋益也離散也爾雅曰四達謂之衢佚失也論語曰上失其道民散久矣絕截也謂截然高峻而無所倚也神者不測者也易曰陰陽不測之謂神

故君子南面臨官貴而不驕

富恭有本能圖脩業居久而譚情邇暢而及乎遠察

一而關於多一物治而萬物不亂者以身爲本者也

爾雅曰恭敬也圖謀也盧注云本爲身也謂能謀其於久而自大也易曰可久則賢人之德可

大則賢人之業暢達也關通也多眾也故君子莅

民不可以不知民之性達諸民之情既知其以生有

習然後民特從命也故世舉則民親之政均則民無
怨莅亦臨也盧注云性爲仁義禮智之等情爲喜怒哀
愛惡之屬性者生之質情者人之欲生謂性也習
調節也世舉言治聘珍謂既知其以生有習者謂
知民之各秉性情而生而有以教習之均平也故

君子莅民不臨以高不道以遠不責民之所不能今

臨之明王之成功則民嚴而不迎也道以數年之業

則民疾疾則辟矣明王之成功不高不遠民所能從者嚴敬也迎讀曰逆不逆謂不違

背也數年之業高遠事也疾病也辟謂僻遠也故古者冕而前旒所以蔽明

也統統塞耳所以弇聰也故水至清則無魚人至察

則無徒說文云冕大夫以上冠也遠延垂塗統纒古者黃帝初作冕旒說文作塗云塗垂玉也

隱也統玉篇作統云統黃色大戴禮統纒塞耳拾珍也統古纒字白虎通云纒塞耳說文云纒紮也

不象於末謂之瑱以統貫瑱縣之於耳謂之統耳自
天子諸侯公卿大夫瑱之玉石統之采色一如冕
之制周禮掌於弁師詩衛風淇澳篇毛傳云充耳謂
之瑱天子玉瑱諸侯以石詩齊風著篇鄭箋云以素
爲充耳謂所以縣瑱者或名爲統織之人君五色臣
則三色而已飾之以瑗華者謂縣統之末所謂瑗也
人君以玉爲瑗華石色似瑗也青統之青黃統之黃
也瑗瑗英猶瑗華也故枉而直之使自得之優而柔
之使自求之揆而度之使自索之民有小罪必以其
善以赦其過如死使之生其善也是以上下親而不
離盧注云民有邪枉教之使自得也孟子曰匡之直
施教之聘珍謂善賢能也周禮曰議賢之辟議能之
辟赦宥也過誤也如死使之生謂宥過無大也其善
也者謂民有所勸勉而益進於善也故惠者政之始也政不正則不可

教也不習則民不可使也

惠愛也政謂法制禁令不可教者雖令不從也習謂

習故君子欲言之見信也者莫若先虛其內也欲政

之速行也者莫若以身先之也欲民之速服也者莫

若以道御之也

盧注云虛其內謂內外相應

故不先以身雖行必

隣矣不以道御之雖服必強矣故非忠信則無可以

取親於百姓矣外內不相應則無可以取信者矣四

者治民之統也

鄰近也必鄰者行而不遠強勉強也孟子曰以力服人者非心服也力不

而得之謂之信親愛也外內不相應者所令反其所

好也統紀也盧注云四者謂以身先及以道御之忠信及內外相應也

盛德第六十六

聖王之盛德人民不疾六畜不疫五穀不災諸侯無

兵而正小民無刑而治蠻夷懷服

易曰窮神知化德之盛也疾病也疫

病流行也

災謂水旱蟲螟之類

兵謂戎兵周禮大司

馬職曰以九伐之法正邦國鄭注云諸侯有違王命

則出兵以征伐之所以正之也刑謂五刑懷來也

古者天子常以季冬考德

以觀治亂得失凡德盛者治也德不盛者亂也德盛

者得之也德不盛者失之也是故君子考德而天下

之治亂得失可坐廟堂之上而知也德盛則脩法德

不盛則飾政法政而德不衰故曰王也

大宰職曰歲終則令百官

府各正其治受其會聽其致事而詔王廢置鄭注云

歲終周季冬月也聘珍謂廟堂者大廟明堂也法即

下經所云五法政即五政法政而德不衰者修法凡

飾政而德乃永盛盧注云王者往也民所歸也

人民疾六畜疫五穀災者生於天天道不順生於明

堂不飾故有天災則飾明堂也

順循也不順者不循其序也釋名云飾拭

也物穢者拭其上使明由他物而後明猶加文於質上也盧注云淮南子云明堂之廟行明堂之令以調

陰陽之氣而知四時之節以辟疾之災也凡民之爲姦邪竊盜歷法妄行

者生於不足不足生於無度量也無度量則小者偷

墮大者侈靡而不知足故有度量則民足民足則無

爲姦邪竊盜歷法妄行者故有姦邪竊盜歷法妄行

之獄則飾度量也

李注文選引韋昭云歷于也說文云度量法制也量稱輕重也荀子禮

論云人生而有欲欲而不得則不能無求求而無度量分界則不能不爭偷苟且墮廢也靡讀曰糜謂財物糜散凡不孝生於不仁愛也不仁愛生於喪祭之

凋敝也

禮不明喪祭之禮所以教仁愛也致愛故能致喪祭
春秋祭祀之不絕致思慕之心也夫祭祀致饋養之
道也死且思慕饋養况於生而存乎故曰喪祭之禮

明則民孝矣故有不孝之獄則飾喪祭之禮也

仲尼燕居

曰嘗神之禮所以仁昭穆也饋奠之禮所以仁死喪也致盡也盧注云孝經曰春秋祭祀以時思之也經解曰喪祭之禮廢則臣子之恩薄而倍死忘生者眾矣凡弒上生於義不明義

者所以等貴賤明尊卑貴賤有序民尊上敬長矣民
尊上敬長而弒者寡有之也朝聘之禮所以明義也

故有弒獄則飾朝聘之禮也

等差也序次也周禮曰春見曰朝又曰春朝諸

侯而圖天下之事聘問也周禮曰時聘曰問又曰時聘以結諸侯之好盧注云經解曰朝聘之禮廢則君

臣之義失諸侯之行惡凡鬪辨生於相侵陵也相侵

而倍畔侵陵之數起矣陵生於長幼無序而教以敬讓也故有鬪辨之獄則

飾鄉飲酒之禮也辨爭也侵犯陵侮也周禮曰以陽禮教讓則民不爭鄭注云陽禮謂

鄉飲酒之禮也盧注云經解曰鄉飲酒之禮廢則長幼之序失而爭鬪之獄煩矣凡淫亂生

於男女無別夫婦無義昏禮享聘者所以別男女明

夫婦之義也故有淫亂之獄則飾昏禮享聘也昏禮

者昏義曰舅姑共饗婦以一獻之禮奠酬舅姑先降自西階婦降自阼階以著代也內則曰聘則爲妻鄭

注云聘問也妻之言齊也以禮聘問則得與夫敵體

盧注云經解曰昏姻之禮廢則夫婦之道苦而淫辟

之罪多矣故曰刑罰之所從生有源不務塞其源而務刑

殺之是爲民設陷以賊之也設置也陷穿地爲塹所以禦禽獸其或超踰則

附焉賊害也盧注云禮察曰禮刑罰之源生於嗜慾

禁將然之前法施已

然之後也樂記曰夫民有血氣

好惡不節說文云嗜慾喜之也

言百姓犯刑心知之性而無喜怒哀樂之節

故明堂天法也禮度德法也所以御民

之嗜慾好惡以慎天法以成德法也刑法者所以威

不行德法者也

盧注云明堂天神所在也王者於此

也聘珍謂度數度也德法者躬行心德垂爲法象也

易曰君子以制數度議德行御理也慎讀曰順威畏

也令可故季冬聽獄論刑者所以正法也法正論吏

公行之聽平治也獄謂邦國都鄙官府之獄訟論刑

輕是也正定也論擇也吏是故古者天子孟春論吏

德行

論考也德行外內之稱

能理功能德法者爲有

德理功治功也周禮曰治功曰力鄭注云制法能行

德成治若咎繇是也盧注云有德謂外內善也能行

德法者爲有行人之用也謂奉行也君子行之故謂之有行

能理德法者爲有能以聽官府之六計弊羣吏之治

二曰廉能能成德法者爲有功成者功就不可易也周禮

有德有能者亦貴有行文義互故論吏而法行事治

而功成季冬正法孟春論吏治國之要也也吏奉法者

者也盧注云春論班賞冬德法者御民之銜也吏者

考量刑則莫不懲勸矣德法者御民之銜也吏者

轡也刑者筴也天子御者內史太史左右手也古者

以法爲銜勒以官爲轡以刑爲筴以人爲手故御天

下數百年而不解墮

說文云銜馬勒口中从金从行銜行馬者轡御者所執釋名云

御使也。牽引拂戾以制馬也。筴馬箠也。說文云：御使馬者，外彳，从卸，徐鍇云：卸，解車馬也。或彳，或卸，御者之職。盧注云：太史內史皆宗伯之屬。太史下大夫二人，內史中大夫一人，俱親王之官也。書曰：太史內史云：內史太史左右手，則太史爲左史，內史爲右史焉。說文云：勒馬頭絡銜也。善御馬者，正銜勒齊，轡筴均，馬力和，馬心故，口無聲，手不搖，筴不用，而馬爲行也。善御民者，正其德法，飭其官，而均民力和，民心故，聽言不出於口，刑不用而民治，是以民德美之。飭，整治也。五帝本紀云：信飭百官，均民力者。周禮均人職曰：掌均地，征均地，守均地，職均人。民牛馬車輦之力，征和民心者，經解曰：發號出令而民悅，謂之和。聽言謂聽訟之言，不出於口者，論語曰：必也使無訟乎。民荷其夫曰：善其德，必稱其人。故今之人稱五帝三王者，依然若猶存者，其法誠德其

德誠厚

善猶美也稱譽也依然思慕之貌法誠德者法本於德也厚猶大也深也

夫民思

其德心稱其人朝夕祝之升聞於皇天上帝歆焉故

永其世而豐其年

祝祈也歆猶欣也永長也詩曰自天降康豐年穰穰

不能御

民者棄其德法譬猶御馬棄轡勒而專以策御馬馬

必傷車必敗無德法而專以刑法御民民心走國必

亡

走去也孟子曰失其民者失其心也亡滅也盧注云淮南子曰舜無佚民造父無佚馬

亡德

法民心無所法循迷惑失道上必以爲亂無道苟以

爲亂無道刑罰必不克成其無道上下俱無道

也法無

循者效法遵循也迷誤也惑謂惑闇克勝也成其無道者刑罰不中則民手足無所措而爲倍畔之事矣

上下俱無道者孟子曰上無道揆也下無法守也故朝不信道工不信度君子犯義小人犯刑是也

今之稱惡者必比之於夏桀殷紂何也曰法誠不德

其德誠薄夫民惡之必朝夕祝之升聞於皇天上帝

不歆焉故水旱並興災害生焉故曰德法者御民之

本也其德謂凶德也釋名云薄迫也單薄相逼迫也祝詛也古之御政以治天

下者冢宰之官以成道司徒之官以成德周禮天官

治地官司徒掌邦教爾雅曰冢大也干寶云濟其清濁和其剛柔而納之中和曰宰鄭云司徒主眾徒地

者載養萬物天子立司徒掌邦教亦所以安授萬民

盧注云天性發施故爲道地理含藏故主德道德者

包五性內外之稱也宗伯之官以成仁周禮春官宗

天地之官尊故總焉宗伯之官以成仁伯掌建邦之

鬼神祗人之所尊不敢主之故也以成仁者仲尼燕

居曰郊社之義所以仁鬼神也嘗禘之禮所以仁昭

穆也饋奠之禮所以仁死喪也射鄉之禮所以仁鄉

七世豐已孺古

黨也食養之禮司馬之官以成聖周禮夏官司馬掌

也言為武者也盧注云聖通也夏氣司寇之官以成

物充達又征伐者所以平通天下司寇之官以成

義周禮秋官司寇掌邦刑鄭云寇害也秋者司空之

官以成禮周禮曰冬官其屬六十掌邦事鄭云象冬

子立司空使掌邦事亦所以富立家使民無空者也

典服之制皆故六官以為轡司會均入以為軌故御

四馬執六轡御天地與人與事者亦有六政周禮司

之六典入法入則之試以逆邦國都鄙官府之治鄭

云會大計也司會主天下之大計計官之長詩曰棊

以輶軌毛傳云軌駟內轡也鄭箋云軌繫於軾前四

馬六轡者孔氏毛詩疏云每馬有二轡四馬當八轡

矣諸文皆言六轡者以駟馬內轡納之於軾故在

手者唯六轡耳盧注云六政謂道德仁聖禮義

故善御者正身同轡均馬力齊馬心惟其所引而之

以取長道

盧注云不違於節故任其馳聘珍謂引導引也馬在車前故曰引之往也取趣也道

路遠行可以之

考工記曰攻國之人行地遠之亦往也

急疾可以御

急疾

謂馬馳驟也御止也

天地與人事此四者聖人之所乘也

乘治也

是故天子御者太史內史左右手也六官亦六轡也

天子三公合以執六官均五政齊五法以御四者故

亦惟其所引而之以之道則國治以之德則國安以

之仁則國和以之聖則國平以之義則國成以之禮

則國定此御政之體也

三公太師太傅太保也鄭云三公者內與王論道外參六

官之事聘珍謂五政者五行之政明堂月令所施於四時者也盧注云五法謂仁義禮智信四者天地與

人與事治典經邦國教典安邦國禮典和邦國過失政典平邦國刑典詰邦國體國經野事官之職

也人情莫不有過過而改之是不過也是故官屬不

理分職不明法政不一百事失紀曰亂也亂則飭冢

宰屬官眾也理治也分辨也太宰職曰以官府之六屬舉邦治以官府之六職辨邦治也紀總要之名

也飭謂警飭地宜不殖財物不蕃萬民飢寒教訓失道風

俗淫僻百姓流亡人民散敗曰危也危則飭司徒殖

也月令曰善相邱陵阪險原隰土地所宜五穀所殖以教道民財讀曰材謂草木物謂鳥獸周禮曰司徒

辨十有二土之名物以蕃鳥獸以毓草木又曰以荒

政十有二聚萬民又曰因此五物者民之常而施十

有二教焉僻邪也王制曰志淫好僻敗潰也民父子逃其上曰潰釋名云危阮也阮阮不固之言也父子

不親長幼無序君臣上下相乖曰不和也不和則飭

宗伯乖戾也周禮宗伯掌邦禮以和邦國以統百官以諧萬民賢能失官爵功勞

失賞祿爵祿失則士卒疾怨兵弱不用曰不平也不

平則飭司馬賢能謂有德者司士職曰以德詔爵以功詔祿王制曰司馬辨論官材論進士

之賢者以告於王而定其論論定然後官之任官然後爵之位定然後祿之司勳職曰掌六卿賞地之法

以等其功國功曰功事功曰勞司勳司士並司馬之屬也士卒者周禮百人為卒卒長皆上士左傳曰眾

散為弱周禮曰司馬佐王平邦國刑罰不中暴亂姦邪不勝曰不成

也不成則飭司寇周禮司寇掌邦禁以佐王刑邦國書曰司寇掌邦禁詰姦慝刑暴亂

百度不審立事失理財物失量曰貧也貧則飭司空

審悉也論語曰審法度事謂司空所掌富邦國養萬民生百物之事理條理也財謂幣帛物謂器用量度

也故曰御者同是車馬或以取千里或數百里者所

進退緩急異也治者同是法或以治或以亂者亦所

進退緩急異也

五帝三王其法誠德夏桀殷紂法誠不德德惟治否德亂進退緩急存乎

德也

明堂第六十七

明堂者古有之也

盧注云明堂之作其代未得而詳也案淮南子言神農之世祀於明

堂明堂有蓋四方又漢武帝時有獻黃帝明堂凡九圖者四面無壁中有一殿然其由或始於此也

室一室而有四戶八牖三十六戶七十二牖隋書牛

蔡邕明堂月令論云明堂制度之數九室以象九州三十六戶七十二牖以四戶八牖乘九宮之數也

以茅蓋屋蓋覆也左傳曰清上圓下方會子天國曰

道曰明堂者所以明諸侯尊卑明堂位曰昔者周公

朝諸侯於明堂天子

負斧依南鄉而立三公中階之前北面東上諸侯位
位阼階之東西面北上諸伯之國西階之西東面北
上諸子之國門東北面東上諸男之國門外水曰辟
西北面東上明堂也者明諸侯之尊卑也
雍牛宏傳引明堂陰陽錄云明堂之制周圍行水左
外以象四海蔡邕云水潤二十四丈象二十四氣於
直言辟者取辟有德不言辟水言雍雍和也聘珍謂
王制曰大學在郊天子曰辟靡孔氏詩靈臺南蠻東
疏云大戴禮政穆篇曰大學明堂之東序也
夷北狄西戎明堂位曰九夷之國東門之外西面北
之國西門之外東面南上五狄之國北門之外南面
東上九采之國應門之外北面東上四塞世告至此
周公明堂明堂月令盧注云於明堂之赤綴戶也白
綴牖也赤南方色盛陽之氣也白二九四七五三六
一八此五行生成之數明堂九室所取法也鄭注易
繫辭傳云天一生水於北地二生火於南天三

生木於東地四生金於西天五生土於中地六成水
於北與天一并天七成火於南與地二并地八成木
於東與天三并天九成金於西與地四并地十成土
於中與天五并經言五不言十者鄭注月令云土生
數五成數十但言五者土以生爲本鄭注考工記云
木室於東北火室於東南金室於西南水室於西北
土室於中央賈疏云五行先起東方故東北方之室
言木其貴東北之室兼水矣東南之室兼木矣西南
之室兼火矣西北之室兼金矣以其中央太室有四
室而角之室皆有室故知義然也聘珍謂鄭買據五
一爲四正此經九室五行亦有相兼之義蓋二四三
左旋五爲中央爲太廟太室二爲明堂太廟七爲明
堂右個明堂右個即總章之左個是火而兼金四爲
總章太廟九爲總章右個即總章之右個是元堂之
是金而兼水一爲元堂太廟六爲元堂右個元堂右
個即青陽之左個是水而兼木三爲青陽太廟八爲
青陽右個青陽右個即明堂之左個是木而兼火矣
堂高三尺東西九筵南北七筵上圓下方三蔡云堂高

三記曰周人明堂度九尺之筵東西九筵南

改也九室十二堂室四戶戶二牖其宮方三百步

明堂制度之數十二堂以應日辰牛宏傳引太山盛

謂六尺為步十尺為丈三百步凡一百八十大每室

東西九筵筵九尺三室占地二十四丈三尺南北七

筵三室占地一十八丈九尺是南北餘地一百六十

一丈一尺東西餘地一百五十五丈七尺以為每室

非聯綴為之故左个右个得以隨其時之方位開其

戶在近郊近郊三十里經異義云公羊說皆在國之

東南二十五里東南少陽用事萬物著見用二十五

也或以為明堂者文王之廟也孝經曰宗祀文王

五經異義云講學大夫淳于登說周公祀文王於明

堂以配上帝上帝五精之神太微之庭有五帝座星

七戊豐已孫古

古周禮孝經說明堂文王之廟夏后氏曰世室殷人
曰重屋周人曰明堂周公所以祀文王於明堂以昭
事上帝謹案今禮古禮各以義說無明文以知之鄭
氏云淳于登之言取義於孝經援神契援神契說宗
祀文王於明堂以配上帝曰明堂者上圓下方八窗
四闕布政之宮在國之陽帝者諦也象上可承五精
之神五精之神實在太微於辰爲巳是以登云然孔
氏毛詩靈臺疏云虛植禮記注云明堂卽太廟也天
子太廟上可以望氣故謂之靈臺中可以序昭穆故
謂之太廟闕之以水似堂故謂之辟廡古法皆同一
處近世殊異分爲三耳祭邕月令論云取其宗廟之
清貌則曰清廟取其正室之貌則曰太廟取其宗廟之
曰明堂取其四門之學則曰太學取其周水回如璧
則曰辟廡異名而同耳其實一也穎子容春秋釋例
云太廟有入名其體一也肅然清靜謂之清廟行禘
祫序昭穆謂之太廟告朔行政謂之明堂行饗射養
國老謂之辟廡占雲物望氛祥謂之靈臺其四門之
學謂之太學其中室謂之太室總謂之宮賈逵服虔
注左傳亦云靈臺在太廟明堂靈臺爲一也
等諸儒皆以廟學明堂靈臺爲一也

朱草曰生一

葉至十五日生十五葉十六日一葉落終而復始也

唐注云孝經援神契曰朱草生冀莢莢嘉禾成蓬蒲生冀莢堯時伏階而生以記朔也朱草可食王者慈仁則生其形無記朔之狀蓋說不詳周時德澤洽和蒿茂大以爲宮柱

名蒿宮也此天子之路寢也不齊不居其屋

竹書紀年云周

德既隆草木茂盛蒿堪爲宮室此天子之路寢也者謂此蒿宮制如路寢也爾雅曰無東西廂有室曰寢天子將有祀事於明待朝在南宮視朝於治朝天子室則致齊於此宮待朝在南宮視朝於治朝天子謂之寧孔氏曲禮疏云天子受朝於路門外之朝於門外而寧立以待諸侯之至故曰當寧而立也此經是朝諸侯於明堂與治朝異制故

揖朝出其南門

禮

待於南宮南宮即明堂太廟也揖朝出其南門禮曰土揖庶姓時揖異姓天揖同姓南門者南宮之門即明堂太廟南面若青陽總章元堂皆是告朔行令之宮而非朝諸侯之地明堂位曰朝諸侯於明堂天子負

祭依南嚮
而立是也

大戴禮記解詁卷之八終

姪嘉會校刊

大戴禮記解詁卷之九

南城王聘珍學

千乘弟六十八

公曰千乘之國

何氏論語集解云馬云司馬法六尺

屋三爲井井十爲通通十爲成成出革車一乘然則
千乘之賦其地千成居地方三百一十六里有畝唯
公侯之封乃能容之雖大國之賦亦不是過焉包云
千乘之國者百里之國也古者并田方里爲井十井
爲乘百里之國適千乘也融依周
禮包依王制孟子疑義故兩存焉
受命於天子周禮
命賜國八命作通其四疆通達也疆界也封人職曰
其四命作伯房注管子小稱云古者羣居二十五
教其書社家則共置社書社謂以社數書於策
孔子世家索隱云書社者書其社之人名於籍聘珍
謂教其書社者郊特牲曰簡其車賦歷其卒伍而君

親誓社以循其灌廟循順也灌聚也順其昭穆聚羣

習軍旅也建立也周禮曰宗以族得民主以利得民

建其宗主左氏定四年傳曰分魯公以殷民六族條

氏徐氏蕭氏索氏長勺氏尾勺氏使帥其宗氏輯其

分族將其醜類以法則周公用卽命於周是使之職

事於魯晉語曰再世以下主之韋注云大夫稱主設

先鄭注周禮云主謂公卿大夫世世食采不絕者設

其四佐四佐謂三卿司徒司馬司空又周禮公之國

云崔氏云大國三卿司徒兼冢宰之事司馬兼宗伯

之事司空兼司寇之事故春秋左傳云季孫爲司徒

叔孫爲司馬孟孫爲司空賈氏周禮典命疏云魯是

侯爵非上公亦得置孤者魯爲州牧立孤與公同

列其五官五官謂下大夫五人也孔氏王制疏云五

一是小司徒司空也司馬之下亦置二小卿一是小司寇處

其朝市處制也考工記曰爲仁如何子曰不仁國不

化易曰君子體仁足以長人化公曰何如之謂仁子

曰不淫於色左傳曰貪色爲淫子曰重記子曰者公不能復問孔子

創通大義而立妃設如太廟然乃中治中治不相陵

不相陵斯庶嬪遠違則事上靜靜斯潔信在中爾雅

匹也左氏桓二年傳曰嘉耦曰妃楊注荀子云設謂

制置如太廟然者禮器曰太廟之內敬矣君親制祭

夫人薦盞君親割牲夫人薦酒中猶內也賈注國語

云妾御曰嬪違讀曰章明也庶嬪遠者嫡庶之分明

也靜安也潔明朝大夫必慎以恭出會謀事必敬以

慎言長幼小大必中度朝讀如左傳楚子朝其大夫

會出會謀事者左氏昭三年傳曰諸侯相見於郤地曰

謂在會之言孔氏莊二十三年傳曰有事而會是也言

以爵不以年言長幼謂國之大小也沈氏此國家之

云爵同者據年之長幼說文云度法制也

七戊豐己罕古

所以崇也

崇尊也山宮中以及朝廷由朝廷以及四國皆有禮度而國勢尊矣

立子設

如宗社宗社先示威威明顯見辨爵集德是以母弟

官子咸有臣志莫敢援於外大夫中婦私謁不行此

所以使五官治執事政也

此言立世子之道或國無適子而立眾庶者宗社謂

宗廟社稷爾雅曰威則也

辨爵者立子以貴也集德

也集德者年鈞以德也官猶公也公子謂羣公子也

援於外者左氏桓十一年傳曰君多內寵子無大援

將不立左氏文六年傳曰晉襄公卒趙孟曰立公子

雍秦大而近足以爲援大夫中婦謂嬖妾

謁請也左氏莊二十八年傳曰晉驪姬嬖欲立其子

賂外嬖梁五與東關嬖五諧羣公子而立奚齊執夫

政以教百姓百姓齊以嘉善故蠱佞不生此之謂

論語曰以

民國有道則民昌此國家之所以大遂也

者王

也。廷以正百官，正百官以正萬民，齊同也。嘉樂也。盡惑亂也。以邪導人，謂之佞。曷盛也。遂順也。卿設

如大門，大門顯美，小大尊卑中度，開明閉幽，內祿出

災，以順天道，近者閑焉，遠者稽焉。卿謂上卿執政者，王制曰：諸侯之上

大夫卿李注爾雅云：宮中南嚮大門應門也。度數也。

二徹之內八尺，三個二丈四尺，考工記曰：王宮門阿

之制五雉，鄭注云：雉長三丈，高一丈，度高以高度廣

以廣內入也。祿，福也。近者羣臣，遠者萬民，閑法也。稽

猶考也。議也。小宰職曰：帥治官之屬而觀治象之法。

太宰職曰：縣治象之法於象魏，使萬民觀治象。先鄭

司農云：象魏闕也。孫注爾雅云：宮門雙闕，舊章縣焉。

使民觀之。因謂之觀。君發禁宰而行之，以時通於地，散布於小

理天之災祥地寶豐省及民共饗其祿共任其災此

國家之所以和也。禁政教也。鄭注聘禮云：宰上卿貳君事者諸侯謂司徒爲宰，千寶云

濟其清濁和其剛柔而納之中。和曰宰。時天時也。地
謂地利通者。周語曰：順時視土，是也。散布謂布德小
者。物之微也。散布於小者，月令曰：立春之月，命相布
德和命，禁止伐木。母覆巢，母殺孩，蟲胎天，飛鳥母麇。
母卵是也。理謂變理。天反時為災，吉氣為祥。地寶謂
五地之物生。陸氏釋文云：地以萬物為寶也。豐饒也。
省減也。及與也。饗受也。國有四輔：輔卿也。卿設如四
祿亦福也。任當災禍也。
體母易事母假名母重食
卿謂小卿，下大夫也。如四
體者，中庸曰：體羣臣也。孔
疏云：言接納羣臣與之同體也。母易事者，官不易方
也。言官守其業，無相踰易。母假名者，名位不同，禮亦
異數。母相假，凡事尚賢，進能，使知事，爵不世，能之不
借食稍食也。凡事尚賢，進能，使知事，爵不世，能之不
愆。賢有德行者，能有道藝者。周禮曰：以德詔爵，以能
能者不失。世者，仕無世官也。愆失也。能之不愆，謂有
其所也。凡民戴名以能。縣鄙各以其名。鄭注云：縣
鄙謂縣正鄙師至鄰長也。以能者，鄉大夫職曰：以
興能入使治之。賈疏云：以爲比長，鄰長已上之。

民之貢賦田役於內也食力以時成以事立鄭注禮器云食力謂農工商也以時

成者孟子曰不違農時穀不可勝食也左傳曰穡人成功以事立者周禮曰任工以飭材事任商以市事

鄭注冠義云此所以使民讓也讓者推賢尚能也民咸孝弟

而安讓此以怨省而亂不作也此國之所以長也安讓

則怨省孝弟則亂不作詩曰民之無良相怨一方受

爵不讓至于已斯亡論語曰其爲人也孝弟而好犯

上者鮮矣未之有也長久而好下無用則國家富鄭注周

禮云下猶去也淮南齊俗云不器無用之物富上有義則國

足也書曰不貴異物賤用物民乃足禮云故書儀或爲

家治禮曰以儀辨等則民不越鄭注云故書儀或爲

義杜子春長有禮則民不爭禮周禮曰以陽禮教讓

則民不爭鄭注云陽立有神則國家敬周禮曰肆師

禮謂鄉飲酒之禮也掌立國祀之

禮又曰以祀禮兼而愛之則民無怨心廣雅云兼同

教敬則民不苟義曰同尊卑以親之也周禮曰以陰禮教親則民不

怨鄭注云陰禮謂男女之禮昏禮以時則男不嘯女

不怨以爲無命則民不偷者爲偷爲也謂脩其教也無命

曰脩其教不易其俗周禮曰以俗教安則民不偷賈疏云偷苟且也昔者先王本此六

者而樹之德此國家之所以茂也樹立也樹之德者

也茂者設其四佐而官之春秋元命苞云官之爲言

盛也也司徒典春以教民之不則時不若不令周禮司徒爲

則兼冢宰典主也謂主春時布德和令之事則法也時謂天時農書云春土冒極陳根可拔耕者急發若

順也令善也民有不知時不若不令者司徒咸教之成長幼老疾孤寡以時通

于四墻有闔而不通有煩而不治則民不樂生不利

衣食

成平也禮運曰使老有所終壯有所用幼有所長矜寡孤獨廢疾者皆有所養也時謂春通

達也四境謂四境自國中以至四境民情無不達也

關閉也煩亂也不利衣食者其民人不獲享其土

凡民之藏貯以及山川之神明加于民者發國功謀

齊戒必敬會時必節鄭注周禮云凡計數之藏貯蓄積也月令曰命宰應卿大夫至

於庶民土田之數而賦犧牲以供山林名川之祀祭

法曰山林川谷邱陵民所取財用也廣雅云發舉也

又曰山林川谷邱陵民所取財用也廣雅云發舉也

功勞也謀謀也發國功謀謂舉先世之以功定國與

以勞定國則祀之會至也時謂祭時節禮節也

麻巫祝執伎以守官俟命而作祈王年壽民命及畜

穀蠶征庶虞草日謂日者卜筮掌日之術也麻謂麻

正主治麻數者巫祝謂司巫大祝之

事上不貳事不移官命謂司徒之命作起也起而各

事上不貳事不移官命謂司徒之命作起也起而各

事上不貳事不移官命謂司徒之命作起也起而各

執其事也。祈求也。祈，王年者大祝職曰：年，祝是也。禱，告事求福也。禱，民命者小祝職曰：順豐年，逆時雨，旱風旱，弭災兵，遠辜疾，並民命之所關也。畜穀謂六畜五穀，蠶征謂飛禽走獸也。庶虞草謂山虞，澤虞所掌之山澤林麓，並禱之者，欲使上下草木鳥獸咸若也。方春三月，緩施生育，動作

百物於時有事，享于皇祖。皇考，朝孤子八人以成春

事。緣和也。育，養也。動作百物者，月令曰：季春之月，生氣方盛，陽氣發泄，句者畢出，萌者盡達，享于祖考

者，周禮曰：以祠春享先王也。朝，召也。召而饗之也。孤子，死王事者之子也。郊，特牲曰：春饗孤子，是也。司

馬司夏以教士車甲。鄭三禮目錄云：司馬象夏所立之官，馬者武也。言爲武者也。夏

整齊萬物，聘珍謂士者，國之勇力之士，能用五兵者。周禮屬於司右，司右，司馬之屬官也。王制曰：有發則

命大司徒教士以車甲，蓋此勇力之士無事則教於司馬之屬，若軍師發卒則司徒教以兵車衣甲之儀。

凡士執伎論功脩四衛，強股肱，質射御，才武聰慧，治

眾長卒所以爲儀綴於國

執伎謂持五兵之藝功猶力也脩備也四衛者宿衛

王宮必居四角四中於微侯便也質主也治眾長卒者周禮曰百人爲卒卒長皆上士毛詩傳云綴表也

出可以爲率誘於軍旅四方諸侯之遊士國中賢餘

秀興閱焉

出謂司馬出軍率讀曰帥左氏閔二年傳曰夫帥師專行謀誓軍旅誘教也周禮萬

有二千五百人爲軍五百人爲旅賢餘卿大夫之餘子之賢者興升也秀興者造士之秀升於司馬者也閱其數也司馬辨論官材故四方之遊士固中之賢秀皆當悉數而省視之

方夏三月養

長秀蕃庶物於時有事享于皇祖皇考爵士之有慶

者七人以成夏事

爾雅曰不榮而實者謂之秀周禮曰以禴夏享先王慶善也祭統曰

夏祭曰禴古者於禴也司寇司秋以聽獄訟治民之

發爵賜服順陽養也鄭云寇害也秋者道也如秋義殺

煩亂執權變民中

害收聚斂藏於萬物也聽平治也

獄謂相告以罪名者訟謂以賕貨相告者賈云此對
文散則通矣周禮曰刑新國用輕典刑平國用中典
刑亂國用重典執權變民中者執其凡民之不刑刑
輕重之權以變化其民使歸於中也
人之法不刑者不崩本以要閒也閒隙也本常也要微
法下文所云是也
府常法而伺候作起不敬以欺惑撞愚起事敬畏也
閒隙以行其詐作起不敬以欺惑撞愚起事敬畏也
不敬不畏法也惟作於財賄六畜五穀曰盜泉貨曰
愚無定識之民
賄誘居室家有君子曰義未詳其義子女專曰媿專
也謂不待父母之命媒妁之言
說文云媿巧也一曰女子笑貌
飭讀曰飾覆也先鄭司農云五兵者戈及戟斧矛
不後鄭云車之五兵鄭司農所云者是也步卒之五
兵則無夷矛而有弓矢木石謂楡也說文云楡建大
木置石其上以槌蔽也曰賊者謂覆匿兵器謀為逆
亂以中情出小曰閒大曰講中情國中之情實也閒
也賈氏周禮疏六

異國欲來使伐先遣人往問候取其委曲反來說之
講讀曰構本亦作構謂交構也國語曰恐構諸侯

利辭以亂屬曰讒邪正之類讒諧也以財投長曰貸

投致也長謂達官之長廣雅云貸借也凡犯天子之禁陳刑制辟以追

國民之不率上教者陳列也刑謂刑書制裁制也辟

率循也上教謂禁教士師之職曰掌國之五禁之法

以左右刑罰皆以木鐸徇之於朝書而懸於門閭是

即所以教之者也夫是故一家三夫道行三人飲食哀樂平

無獄有夫有婦為一家三夫丁壯也道行謂任力役

也者家三人鄭注云出家也周禮曰上地家七人可任

半其大數平均也力政均民情平而訟獄衰息矣

方秋三月收斂以時於時有事嘗新于皇祖皇考食

農夫九人以成秋事月令曰季秋之月命百官貴賤無不務內鄭注云內謂收斂入

之也嘗新謂新穀熟嘗之周禮曰以嘗秋享先王
農夫謂耆老也郊特牲曰秋食耆老食養陰氣也
空司冬以制度制地事鄭云冬閉藏萬物天子立司
使民無空者也制度法度也制地事亦所以富立家
事謂裁制地事下經所云是也準揆山林規表衍
沃畜水行衰濯浸以節四時之事準平也揆度也積
規畫也表明也下平曰衍有澆曰沃左氏襄二十五
年傳曰度山林井衍沃畜水者周禮曰以澹畜水也
行者周禮曰以溝澇水杜子春謂以溝行水也衰者
廣韻云衰小也減也殺也謂水大而減之使小也周
禮曰以澹寫水鄭注云澹田尾去水大溝是也濯者
滌溉也謂以水滌去所芟之草周禮曰以澹揚其芟
鄭注云開遂舍水于列中因涉之揚去前年所芟之
草而治田種稻是也浸者可以爲陂灌漑田者也準
揆山林規表衍沃制爲井牧也畜水行衰濯浸則田
開之水利節制也四時之事謂耕耘收穫之事也
治地遠近以任民力以節民食太古食壯之食攻老

之事

鄉注載師云國稅輕近而重遠近者多役也太古謂唐虞以上攻治也王制曰凡使民任老者

注云寬其力饒其食

公曰功事不少而餼糧不多乎

子曰太古之民秀長以壽者食也在今之民羸醜以

齒者事也

秀長謂成長釋名云秀者物皆成也壽久年也食謂足食羸劣也醜惡也齒謂死於

道路如鳥獸也說文云鳥獸殘骨曰齧齧可惡也外

骨此聲明堂月令曰掩骼掩穢或外肉事謂力役

之太古無游民食節事時民各安其居樂其宮室服

事信上上下下交信地移民在

游民不習士農工商之業者居謂居業安其居

者齊語曰少而習焉其心安焉樂宮室者周禮曰以本俗六安萬民一曰微宮室地移民在者孟子曰昔

者太王居邠狄人侵之去之岐山之下居焉今之世

邠人曰仁人也不可失也從之者如歸市上治不平民治不和百姓不安其居不樂其宮老疾

用財壯狡用力於茲民游薄事貪食於茲民憂

財泉穀也

周禮以九賦斂財斯老者疾者皆舍廣雅云狡健也游猶流也薄迫也事謂力役之事釋名云貪探也探取人他分也貪食謂民不得食須採取而後食也古者殷書爲成男成女名

屬升于公門此以氣食得節作事得時勸有功夏服

君事不及暍冬服君事不及凍是故年穀不成天之

饑饉道無殍者

服舉也屬類也升登也媒氏職曰凡男女自成名以上皆書年月日名焉

司民職曰掌登萬民之數自生齒以上皆書于版辨其國中與其都鄙及其郊野異其男女及三年大比以萬民之數詔司寇司寇及孟冬祀司民之日獻其數於王王拜受之登於天府氣讀曰餼鄭注聘禮云餼猶粟也給也節多寡之度作與也事謂築邑廬宿市治宮室城郭道渠之類得時者左氏莊二十九年傳曰凡土功龍見而畢務戒事也火見而致用水昏正而裁口至而畢勸勉也王制曰樂事勸功暍傷官

也年周一年也穀謂五穀成備也穀梁襄二十四年
傳曰五穀不升謂之火饑一穀不升謂之饑二穀不
升謂之饑三穀不升謂之饑四穀不升謂之康五穀
不升謂之大侵道路也餓死爲殍左氏昭三年傳曰
道塗在
相對在今之世男女屬散名不升于公門此以氣食
不節作事不成天之飢饉於時委民不得以疾死是
也委棄也不得以疾死者孟子曰
凶年饑歲君之民老弱轉乎溝壑是故立民之居必
于中國之休地因寒暑之和六畜育焉五穀宜焉辨
輕重制剛柔和五味以節食時事休美也周禮曰以
土圭之法測土深
正口景以求地中日南則景短多暑日北則景長多
寒制克也王制曰剛柔輕重遲速異齊五味異和
東辟之民曰夷精以饒至于大遠有不火食者矣南
辟之民曰蠻信以朴至于大遠有不火食者矣西辟

之民曰戎勁以剛至于大遠有不火食者矣北辟之

民曰狄肥以戾至于大遠有不火食者矣及中國之

民曰五方之民有安民和味咸有實用利器知通之

信令之

安止也安民謂居止之民王制曰中國夷蠻戎狄皆有安居和味宜服利用備器知通之

者王制曰五方之民言語不通嗜欲不同達其志通其欲東方曰崑南方曰象西方曰狄觀北方曰譯鄭注云觀之言知也孔疏云謂通傳夷狄之語與中國相知信令之者信猶節也字節職曰凡通達於天下者必有節鄭注云節為信釋名云及量地度居句邑令領也理領之使不得相犯也

有城郭立朝市地以度邑以度民以觀安危

及至也量地度

居者王制曰量地以制邑度地以居民是也城外爲郭而朝後市度邑度民者王制曰地邑民居必參相得也安危猶利害周禮曰距封後利先慮久固依固以相民宅而知其利害

可守爲奧可久能節四時之事霜露時降距起也封
禮曰制其畿疆而溝封之後利者不盡地利以壞形
勢史記商君傳云爲田開阡陌封疆是爲利也慮謀
也依因也司險職曰設國之五溝五涂而樹之林以
爲阻固掌固職曰掌修城郭溝池樹渠之固若有山
川則因之奧深也節四時之事霜露時降者言中國
之休地也周禮曰日至之景尺有五寸謂之地中天
地之所合也四時之所交也風
雨之所會也陰陽之所和也
方冬三月草木落庶
虞藏五穀必入于倉於時有事蒸于皇祖皇考息國
老六人以成冬事庶虞謂山林川澤之官也藏收也
月令曰乃命四監收秩薪柴以俱
郊廟及百祀之薪燎又曰舉五穀之要藏帝藉之收
于神倉蒸眾也冬物畢成可祭者眾也周禮曰以蒸
冬享先王息休息也國老國之卿大夫致仕民咸知
者月令曰春數八夏數七秋數九冬數六也民咸知
孤寡之必不末也咸知有大功之必進等也咸知用

勞力之必以時息也推而內之水火入也弗之顧矣

而況有強適在前有君長正之者乎公曰善哉

未薄也孤

寡不末者朝孤子以成春事也等謂等級必進等者夏得士之有慶者也用勞力必以時息者秋食農夫

冬息國老也回首曰顧適讀曰敵正者治也

四代弟六十九

公曰四代之政刑論其明者可以爲法乎

四代謂虞夏商周論

擇也樂記曰政以一其行刑以防其姦

子曰何哉四代之政刑皆可法

也公曰以我行之其可乎子曰否不可臣願君之立

知而以觀聞也

問謂所聞四代之政刑自虎通云皆者知也獨見前聞不惑於事見微知

著也四代之政刑君若用之則緩急將有所不節不節

君將約之約之卒將棄法棄法是無以爲國家也急

緩

謂事之輕重遲速異宜者鄭注考工記云節猶適也約之者以法約束之也卒終也卒將棄法者操之已

切事敵而公曰巧匠輔繩而斲胡爲其棄法也輔相

法窮也謂繩墨所以彈曲直者也子曰心未之度習未之狎此以數踰而

棄法也夫規矩準繩鈞衡此昔者先王之所以爲天

下也小以及大近以知遠今日行之可以知古可以

察今其此邪左氏昭二十八年傳曰心能制義曰度狎安習也孟子曰習矣而不察焉爾雅

曰數疾也說文云逾越進也孟子曰聖人既竭口力

爲繼之以規矩準繩以爲方員平直不可勝用也鄭

注月令云三十斤曰鈞稱上曰衡經解曰衡誠懸不可欺以輕重淮南泰族云規矩權衡準繩異形而皆

施水火金木土穀此謂六府廢一不可進一不可民

竝用之今日行之可以知古可以察今其此邪

府猶庫藏

也左氏文七年傳曰水火金木土穀謂之六府進昔猶益也淮南泰族云水火金木土穀異物而皆任昔

夏商之未興也伯夷謂此二帝之眇

伯夷虞史謂當作爲此書爲謂

二字多相亂言爲此規矩準繩鈞衡及六府之屬書曰伯夷降典折民惟刑二帝謂堯舜董注說卦傳云

眇成也公曰長國治民恆幹

長君也恆常也幹體也言君國子民之常體下文所

也云是論政之大體以教民辨歷大道以時地性興民

之陽德以教民事上服周室之典以順事天子脩政

勤禮以交諸侯大節無廢小眇其後乎

辨別也教民辨者易曰上

天下澤履君子以辨上下定民志爾雅曰歷相也大

道天道也性生也歷天道以時地性者周語曰古者太史順時觀土陽癘憤盈土氣震發農祥晨正日月

底于天順土乃脈發興作也周禮曰以地產作陽

先鄭云一說地產謂土地之性各異若齊性舒
性急悍此皆露見于外故謂之陽德教民事者脩其
教移其習也服從也典法也常也政猶制也禮謂邦
交之禮檀弓曰脩其班制以與四鄰交大節謂論政
之大體以下諸事爲長國治
民之恒幹小眇猶小成也 子曰否不可後也詩云

東有開明於時雞三號以興庶虞庶虞動蜚征作詩

雅大東篇開作啟漢諱啟之字曰開爾雅曰明星謂
之啟明郭注云太白星也晨見東方爲啟明昏見西
方爲太白雞知時畜也號鳴也庶虞謂山澤林麓
蟲征謂禽獸昆蟲此言夜鶴晨而百物動作也 畜

民執功百草咸淳地傾水流之功也淳和也傾覆也

地傾謂農夫覆種也水謂雨水流 是以天子盛服朝

灌也月令曰仲春之月始雨水 曰于東堂以教敬示威于天下也

盛服朝日者魯語
王藻曰元端而朝日子東門之外鄭注云端當爲冕
字之誤也朝日春分之時也聘珍謂東堂壇上之堂

也鄭注司儀云天子春帥諸侯拜日于東郊則爲壇于國東又云壇十有二尋方九十六尺則堂上二丈四尺教敬示威者賈氏司儀疏云天子親自拜日禮月之等是尊尊之法教諸侯以下尊敬在上者也爾雅曰威是以祭祀昭有神明吳天上帝以實柴祀日則也

月也辰以禋燎祀司中司命觀師兩師以血祭祭社稷五祀五嶽以狸沈祭山林川澤以醯辜祭四方百物昭明也表記曰昔三代燕食昭有慈愛左氏宣十明王皆祀天地之神明

王享有體薦宴有折俎成十二年傳曰宴以示慈惠杜注云宴則折俎相與共食宗廟之事昭有義王以祠春享先王以禴禘享先王以饋祀享先王以蒸冬享先王鄭注云宗廟之祭有此六享昭有義者大傳曰自義率祖順而下之至於禴是故人道親親也親親故尊祖尊祖故敬率禮朝廷昭有五宗敬宗故收族收族故宗廟嚴率禮朝廷昭有五官率循也左氏莊二十三年傳曰禮所以整民也朝以正班爵之義的長幼之序曲禮曰天子之五

百司徒司馬司空

無廢甲冑之戒昭果毅以聽

鄭注

士可定典司五眾

既夕云甲冑也肯兜鍪也防患曰戒左氏宣二年傳

日戎昭果毅以聽之之謂禮殺敵爲果致果爲毅

天子曰崩諸侯曰薨大夫曰卒士曰不祿庶人曰死

昭哀哀愛無失節是以父慈子孝兄愛弟敬

鄭注曲禮云異

死名者爲人喪其無知若猶不同然也自上顛壞曰崩葬顛壞之聲卒終也不祿不終其祿死之言漸也

精神漸盡也釋名云哀愛也此昔先王之所先施於

民也君而後此則爲國家失本矣

此者謂朝日東公堂以下諸事也

曰善哉子察教我

察審也明也

子曰鄉也君之言善執

國之節也君先眇而後善中備以君子言可以知古

可以察今真然而興民壹始

鄉讀曰嚮言善謂恆幹之言爲善也執持也節

謂大節也。眇成也。言朝日祭祀以下諸事皆因之成法。先其成法而後其極幹之善言。君子卿大夫若有德者中備以君子言者先後之中。令君子討論其因時制宜之理。與然盛貌興起也。壹專也。始猶木也。為國不失本則民如務其本矣。公曰：是非吾言也。吾一聞於師也。子

呵焉其色曰：嘻，君行道矣。公曰：道邪？子曰：道也。吁驚也。嘻也。

喜悅之聲。公曰：吾未能知人，未能取人。子曰：君何為不觀

器視才？公曰：視可明乎？子曰：可以表儀。公曰：願學之。

器謂器識，才力也。左氏文六年傳曰：引之表儀。杜注云：表儀猶威儀。子曰：平原大

曠，其草之高豐茂者，必有怪鳥獸居之。且草可財也。

如艾而夷之，其地必宜五穀。高山多林，必有怪虎豹。

蕃孕焉。深淵大川，必有蛟龍焉。民亦如之。君察之可。

以見器見才矣

爾雅曰廣平曰原鄭注月令云大澤曰藪財讀曰材艾讀曰刈夷之者以

鉤鎌迫地芟之也宜五穀者原藪爲眾物所公曰吾

猶未也子曰羣然戚然頤然畢然踏然柱然抽然首

然僉然湛然淵淵然淑淑然齊齊然節節然穆穆然

皇皇然

羣然者論語曰羣而不黨學記曰敬業樂羣是也戚親也詩曰戚戚兄弟毛傳云戚戚內

相親也春秋元命苞云后稷岐頤宋注云頤有土象

也荀子解蔽云羣畢廣廣孰知其德楊注云羣讀爲

喉解畢廣大貌爾雅曰踏踏敏也柱讀若砥柱言不

從流俗也廣雅云抽拔也孟子曰拔乎其萃郊特牲

曰首也者直也爾雅曰僉皆也孟子曰油油然與之

借而不自失也廣雅云湛安也淵淵深水貌中庸曰

淵淵其淵說文云淑清湛也祭義曰齊齊乎其敬也

釋名云節有有限節也少儀曰言語之美穆穆皇皇爾

雅曰穆穆皇皇美也羣然見才色脩聲不視聞怪物

大哉皇已

澤古

卷之七

行

格命不改志舌不更氣君見之舉也得之取之有事

事也事必與食食必與位無相越踰昔虞舜天德嗣

堯取相十有六人如此見顯示之也才色色之有十

周者非禮勿視非禮勿聽也怪異也物事也格當為

怪形之誤也怪命者若後世符瑞之流不改志言不

為所惑也陸賈新語云通於道者不可驚以怪說文

云舌在口所以言也更改也言不更氣者左氏昭九

年傳曰氣以實志志以定言有事也者以能詔事

也事必與食者以功詔祿也鄭注大宰云位爵次也

天德元德也淮南原道云舜執元德於心高注云元

天也書曰元德升聞乃命以位左氏文十八年傳曰

堯崩天下如一同心戴舜公曰嘻美哉子道廣矣曰

由德徑徑吾恐憚而不能也何以哉曰孔子之言

徑者疾趨邪行也

憚亂也德急則亂公曰請問圖德何尚子曰聖知之

也。華猶光也。孟子曰：始條理者，智也。知仁之實也。

君道云：仁而不知，不可。既仁，信之器也。鄭注：繕解云。

知且仁，是人主之實也。論語曰：君子義以為質，信以成之。

也。信義之重也。左氏宣十五年傳曰：信義而行之。

義利之本也。委利生孽。左氏成十六年傳曰：義以

十年傳曰：蘊利生孽。杜注云：孽，畜也。孽，妖害也。公曰：嘻，言之至也。道天地以

民輔之。聖人何尙。道輔也。易曰：后以財成天地之

曰：有天德，有地德，有人德，此謂三德。三德率行，乃有

陰陽。陽曰德，陰曰刑。盧注：衛將軍文子云：天道曰至

珍謂師氏職曰：以三德教國子。一曰至德，以爲道本。

二曰敏德，以爲行本。三曰孝德，以知逆惡。鄭注云：在

心爲德，施之爲行。董仲舒對策云：陽爲德，陰爲刑。天

使陽常居大夏，而以生育長養爲事；陰常居大冬，而

積於空虛。公曰：善哉！再聞此矣。陽德何出？子曰：陽德

出禮。禮出刑。刑出慮。慮則節事於近而揚聲於遠。

生也。禮謂禮儀威儀也。鄭注：中庸云：火神則禮。白虎

通云：火之爲言化也。陽氣用事，萬物變化也。樂記曰：

天高地下，萬物散殊，而禮制行矣。禮出刑者，坊記曰：

禮者，因人之情而爲之節文，以爲民坊者也。出於禮

者，入於刑。禮節民心，刑以坊之也。慮，心謀也。王制曰：

刑者，側也。側者，成也。一成而不可變，故君子盡心焉。

節省也。事訟獄之近，謂朝廷揚聲於公曰：善哉！

遠者，訟獄衰息，刑措不用，而頌聲作矣。公曰：善哉！

事何以子曰：德以監位，位以充局，局以觀功，功以養

民。民於此乎上。載成也。韓詩云：聳領也。位，爵位也。周

分也。郭注云：謂分部左氏成十六年傳曰：失官慢也。局，

離局，委也。鄭注：宮正云：功，吏職也。書曰：德惟善政，政

在養。公曰：祿不可後乎。子曰：食爲味，味爲氣，氣爲

發志爲言發言定名名以出信信載義而行之祿

可後也

祿稍食也左氏昭二十五年傳曰爲六畜五

氣氣以實志志以定言言以出命令章注周語云名號

爲信左氏宣十五年傳曰君能制命爲義臣能成命

而行之爲利公曰所謂民與天地相參者何謂也子

曰天道以視地道以履人道以稽廢一曰失統恐不

長饗國

參之言三也鄭注說卦傳云三才天地人之

見吉凶所以示人也三垂日月星也爾雅曰履禮也

樂記曰禮以地制廣雅云稽考也表記曰考道以爲

無失鄭注云能將仁義之一成之以不失於公愀然

其色子曰君藏玉惟慎用之雖慎敬而勿愛民亦如

之執事無貳五官有差喜無竝愛卑無加尊淺無測

深小無招大此謂楹機榭機賓薦不蒙昔舜徵薦此

道於堯堯親用之不亂上下楚語曰玉足以庇陰嘉

之愛容也左氏昭十七年傳曰寶以保民也子何愛

焉或疑也差等也喜竝愛者左氏閔二年傳曰內寵

竝后發子配適也淺謂新進日淺深謂故舊年深測

意度也淺測深者新開舊也招讀曰翹危也爾雅曰

榭謂之梁釋文引呂伯雍云門樞之橫梁機樞機也

易曰樞機之發榮辱之主也賓敬也薦進也蒙曰亂

也微明也此道公曰請問民徵中庸曰君子之道

謂樞機之道曰無以為也難行公曰願學之幾必能幾望子口貪

於味不讓妨於政願富不久妨於政慕寵假貴妨於

政治民惡眾妨於政為父不慈妨於政為子不孝妨

於政大縱耳目妨於政好色失志妨於政好見小利

妨於政變從無節撓弱不立妨於政剛毅犯神妨於

政鬼神過節妨於政

左氏文十八年傳曰縉雲氏有不才子貪於飲食左氏昭二十

年傳曰先王之濟五味以平其心成其政也多畜財

貨曰富說文云暴習也寵謂外寵假僭也貴爵位也

習狎外寵僭與爵位左氏閔二年傳曰外寵貳政也

變改也從因也撓弱屈弱也剛強也毅敢也剛毅犯

神者墨子非命云紂夷處不肯事上帝鬼神幼勿與

禍厥先神禋不祀鬼神過節者黷于祭祀也

眾克勿與比依勿與謀放勿與游微勿與事

幼少也

眾謂民

眾左氏襄三十一年傳曰子皮欲使尹何爲邑子產

曰少未知可否克好勝也比校也依謂依違言不專

決也放縱也微抄也論

語曰惡微以爲知者臣聞之弗慶非事君也君聞

之弗用以亂厥德臣將慶其簡者

聞之謂有所聞若嘉謀嘉猷慶善也

簡謂苟簡君不用善臣皆容悅而已蓋人有可知者焉貌色聲眾有美

焉必有美質在其中者矣。貌色聲眾有惡焉必有惡

質在其中者矣。

容貌顏色聲音人之表儀也。眾多也。禮器曰質。鄭注云質猶性也。

此者伯夷之所後出也。

此者伯夷之道。貪於味以下見也。伯夷之所後出者上

支伯夷爲此二帝之少乃治國之先務而此其後也。

子曰伯夷建國建政脩國

脩政。公曰善哉。

建立也。脩治也。政者國之本也。

虞戴德弟七十

公曰昔有虞戴德何以深慮何及高舉安取。

虞舜氏戴德謂

民戴其德慮思也。高大也。遠也。舉猶行也。謂行政也。安亦何也。取謂取法。子曰君以聞之

唯邱無以更也。君之聞如未成也。黃帝慕脩之。

君以

已成猶備也。慕思慕也。脩勉也。言君於四代之政刑已聞之矣。若以所聞未備則更於黃帝之道思慕而

勉求之。武王踐阼曰：黃帝顓頊之道存乎？意曰：明法亦忽不可得見。與孔穎達云：「意言意恆念之。」

于天明開施教于民，行此以上明于天化也。物必起

是故民命而弗改也。

曰：孔子更端之辭，明謂君之明法效法也。天明謂天象易曰：天

垂象，見吉凶，聖人象之，開通也。君者所明也。明乃能通達，施教于民，行此者用此也。天化，天道也。物事也。

謂國事也。起興也。民尊君，令謂之命。公曰：善哉！以天教于民，可以班乎。

子曰：可哉！雖可而弗由，此以上知所以行斧鉞也。

班

也。由從也。上知謂賢聖之君，斧鉞軍戮也。魯語曰：大刑用甲兵，其次用斧鉞。

父之於子，天

也。君之於臣，天也。有子不事父，有臣不事君，是非反

天而到行邪？故有子不事父，不順；有臣不事君，必刃。

順天作刑，地生庶物。

刃，逆也。不順者，大逆也。刃，謂斧鉞、刀、鋸之刑。順天作刑者，王制

曰凡制五刑必即天論鄭注云必即天論言與天意合地生庶物者刑以順天亦以法地殺之所以生之孔子閉居曰地載神氣神氣風霆流形庶物露生無非教也王符潛夫論述赦云養稊稗者傷禾稼惠姦宄者賊良民書曰文王作罰刑茲無赦先王制刑非好傷人肌膚斷人壽命乃以威姦懲惡除民害也

是故聖人之教于民也率天如祖地能用民德是以高舉不過天深慮不過地質知而好仁能用民力此三常之禮明而名不蹇

率遵也如讀曰而祖法也易曰崇效天卑法地能用民德者詩曰民之秉彝好是懿德又曰羣黎百姓編為爾德質本也三者天地人也左氏昭二十五年傳曰夫禮天之經也地之義也民之行也大禮失則壞傳曰名者人治之大者也易曰聲難也

名失則悞

壞敗也悞亂也禮失則名不正經解曰是以舊禮為無所用而去之者必有亂患

故上古不諱正天名也天子之官四通正地事也天

子御珽諸侯御荼大夫服笏正民德也斂此三者而

一舉之戴天履地以順民事

上古不諱者左氏桓六年傳曰周人以諱事神

名終將諱之孔疏云自殷以往未有諱法諱始於周正天名者古之王者太子生三月君名之有司見之南郊見之天也通達也官四通者書曰闢四門四目達四聰也正地事者地道九達也御服皆器用之名尊者謂之御玉藻曰天子搢珽方正於天下也諸侯荼前誦後直讓於天子也大夫前後誡無所不讓也又曰笏大夫以魚須文竹正民德者易曰辨上下定民志也斂取也三者謂天名地事民德一同也舉也

天子告朔於諸侯率天道而敬行之以示威于天

下也

太史職曰正歲年以序事頒之于官府及都鄙頒告朔于邦國先鄭云以十二月朔布告天下

諸侯率循也書曰欽若昊天麻象日月星辰敬授人時爾雅曰威則也言示法則於天下也諸侯

內貢於天子率名數地實也是以不至必誅內入也小行人

職曰令諸侯春入貢賈疏云卽大宰九貢是歲之常
貢也率循也名者侯甸男采衛要服之名數讀曰效
獻也地實者土地所宜有職諸侯相見卿爲介以其
方氏曰制其貢各以其所有

教士畢行使仁守會朝於天子

諸侯相見者六服各
方諸侯將時會天子

先自相見也曲禮曰諸侯未及期相見曰遇相見於
卻地曰會卿爲介者朝事曰諸侯介紹而相見君子
於其所尊不敢質教士謂諸侯領宮所教之士王制
曰天子命之教然後爲學教士舉行者射義曰古者
天子之制諸侯歲獻貢士於天子天子試之於射宮
守居守其國也荀子大略云使仁居守楊注云使仁
厚者主後事穀梁傳曰智者慮義者行仁者守然天
後可以會矣會朝者周禮曰時見曰會春見曰朝天
子以歲二月爲壇於東郊建五色設五兵具五味陳
六律品奏五聲聽明教
爲壇於東郊者司儀職曰將
合諸侯則令爲壇三成宮旁
一門鄭注云合諸侯謂有事而會也天子春帥諸侯
拜日於東郊則爲壇於國東建五色者左氏桓二年

曰五色比象昭其物也杜注云車服器械之有五
已皆以比象天地四方以示器物不虛設品同也品
奏者同五聲於六律也聽平治也明教
謂戒令周禮曰誥用之於會同是也
置離抗大侯
規鵠堅物置設也方言云羅謂之離離謂之羅郭注云皆行列物也詩曰大侯既抗毛傳云大
侯君侯也抗舉也鄭箋云舉者舉鵠而棲之於侯也
孔疏云謂之侯與鵠者司裘注云謂之侯者天子中
之則能服諸侯以下中之則得為諸侯謂之鵠者取
名焉鵠也鵠鵠小鳥而難中亦取名鵠之言較較者
直也射所以直己志也聘珍謂規正也堅定也物謂
射時所立處也大射儀曰工人士與梓人升自北階
兩楹之間疏數容弓若丹若墨度九卿佐三公三公
尺而午射正治之鄭注云畫物也
佐天子漢書百官公卿表云周官太師太傅太保是為三公蓋參天子坐而議政無不總統故不
以一職為官名又立三少為之副少師
少傅少保是為孤卿與六卿為九焉
天子踐位諸
侯各以其屬就位乃升諸侯諸侯之教士教士執弓

挾矢揖讓而升履物以射其地心端色容正時以教

伎時有慶以地不時有讓以地踐位者郊壇南鄉之位諸侯各以其屬就

位者鄭注司儀云諸侯上介皆奉其君之旂置於宮

王升壇諸侯皆就其旂而立諸公中階之前北面東

上諸侯東階之東西面北上諸伯西階之西東面北

上諸子門東北面東上諸男門西北面東上升諸侯

謂執玉而前見天子也鄭云諸侯各於其等奠玉降

拜升成拜明臣禮也既乃升堂授王玉升諸侯之教

士謂司射誘射也朝會諸侯而試貢士於郊壇樂記

曰散軍而郊射是也揖讓而升履物以射其地者大

射儀曰上耦射出次西面揖進上射在左竝行當階北

面揖及階揖上射先升三等下射從之中等上射升

堂少左下射升上射揖竝行皆當其物北面揖及物

揖皆左足履物還視侯中合足而侯司射命射退反

位乃射上射既發挾矢而後下射射拾發以將乘矢

地謂郊壇之地也心端者內志正也色容正者外體

直也時是也數讀曰校謂考校也伎藝也言若是以

行諸侯教士之藝也慶讓以地者射義曰射中多者

得於祭數與於祭而君有慶數有慶而益地中少不得與於祭數不與於祭而君有讓數有讓而削地
天下之有道也有天子存國之有道也君得其正

家之不亂也有仁父存是故聖人之教於民也以其

近而見者稽其遠而明者近謂近身之德行道藝見顯也稽考也遠謂事君事

長使眾之道明通也管子立孝曰未天事曰明地事

曰昌人事曰比兩以慶違此三者謂之愚民愚民曰

姦姦必誅是以天下平而國家治民亦無貸居小不

約居大則治眾則集寡則繆祀則得福以征則服此

唯官民之上德也明謂縣象著明廣雅云昌光也易曰含萬物而化光坤道其順乎承

天而時行比者相比附也兩謂天地左氏昭二十五年傳曰天地之經而民實則之則天之明因地之性

虞善也。泉府職曰：凡民之貸者，與其有司辨而授之。以國服爲之息。先鄭云：貸者，從官借本買也。居蓄也。積也。小少也。約猶窮也。太謂富之廣也。治不亂也。坊記曰：小人貧斯約，富斯驕。約斯盜，驕斯亂。故聖人之制，富貴也，使民富不足，以驕貧不至於約。集和公曰：繆讀曰：穆，安靜也。官君也。官民猶云：君天下也。公曰：三代之相授，必更制典物道乎？子曰：否。猷德保保，昏乎前，以小繼大，變民示也。更制典物者，大傳曰：立權變。考其章，改正朔，易服色，殊徽號，異器械，別衣服，此其所得與民變革者也。否不也，言三代之君，非好爲更制也。猷，謀也。德，謂德政。保定也。謂三代之更制典物，是謀以德定天下也。昏亂也。保，昏乎前，謂定前朝之亂，以小繼大者，三代以侯國受天命也。示，讀曰：視。公曰：善哉！子之察教我，也。易曰：聖人作而萬物睹。子曰：邱於君，唯無言，言必盡於他人，則否。公曰：教他人，則如何？子曰：否。邱則不能。昔商老彭及仲傀，政之

參大夫官之教士技之教庶人揚則抑抑則揚綴以

德行不任以言庶人以言猶以夏后氏之祔懷袍褐

也行不越境

論語曰竊比於我老彭包云殷賢大夫也。魏讀曰虺左氏定元年傳曰仲虺居

辭以爲湯左相政教大夫者魯語曰卿大夫書講其

庶政官猶事也魯語曰士朝而受業晝而講貫夕而

習復技謂藝事周禮曰以世事教能則民不失職綴合也言道藝合以德行也公曰善哉我

則問政子事教我子曰君問已參黃帝之制制之大

禮也

制法也禮猶體也

公曰先聖之道斯爲美乎子曰斯爲

美雖有美者必偏

偏謂不周備也言唯先聖之道爲美舍先聖之道雖美不備

於斯昭天之福迎之以祥作地之福制之以昌興民

之德守之以長公曰善哉

言先聖之道所以爲美也祥善也昌謂各遂其生也

長久也。易曰：聖人久於其道，而天下化成。

誥志第七十一

公曰：誥志無荒，以會民義。齋戒必敬，會時必節。犧牲必全，齊盛必潔。上下禋祀，外內無失。節其可以省怨。

遠災乎。

誥志國之舊典，禮經也。荒廢也。大祝職曰：作大辭以通上下，親疏遠近。云曰：誥志小史職曰：

掌邦國之志會合也。民義，民道所宜也。論語曰：務民之義，坊記曰：七日戒，三日齊，以教敬也。會期也。必節者，不疏不數也。犧牲，純色之牲，全體完具也。黍稷曰齊。在器曰盛。上下謂天神地祇。周語曰：精意以享，謂之禋。外謂外祭。祀四方百物也。內謂內祭。祀宗廟及月令五祀之類。節，禮節也。省，減也。怨，謂神怨。詩曰：神何時怨災。謂水旱厲疫之害。

子曰：邱未知其可以省怨也。公曰：然

則何以事神。子曰：以禮會時。

禮器曰：禮也。者合於天時，設於地財，順於鬼神。

合於人心理萬物者也又曰禮時爲大

夫民見其禮則上下援援則樂

樂斯毋憂以此省怨而亂不作也

左氏桓六年傳曰民神之主也見猶

知也援引也謂引而親之也怨謂神怨亂民亂也夫省怨而亂不作者晉語曰意寧百禮而柔和萬民夫

禮會其四時四孟四季五牲五穀順至必時其節也

邱未知其可以爲遠災也

禮謂禮文順循也鄭注樂

至必時其節者按其禮文循行故事不失其時節未可以遠災者禮文雖具民不和神不享矣公曰

然則爲此何以子曰知仁合則天地成天地成則庶

物時

中庸曰成己仁也成物知也性之德也合外內

萬物育焉孔子閒居曰天有四時春夏秋冬夏風雨霜

露無非教也地載神氣神氣風霆風霆流形庶物露

生無非教也庶物時則民財敬民財敬以時作

財謂財用敬慎也左

氏文六年傳曰時以作時作則節事節事以動眾動

事杜注云順時命事則事得其節左氏成十六年傳

眾則有極動不失時則事得其節而物成上下和睦周

旋不逆求無不有極以使民則勸勸則有功王制曰

具各知其極時樂事勸功有功德則無怨無怨則嗣世久唯聖人左

尊君親上昭二十年傳曰有德之君上下無怨動無違事是以

鬼神用饗國受其福易曰知進退存亡而不失其正

者其唯聖人乎是故政以勝眾非以陵眾眾以勝事非以傷

事事以靖民非以徵民故地廣而民眾非以爲災長

之祿也政謂力役之政勝任也周禮曰大役之禮任

怨也左氏昭三十二年傳曰無徵怨於百姓邱聞周太

史曰政不率天下不由人則凡事易壞而難成也率循

謂天時由從也。人謂人心。虞史伯夷曰：明孟也，幽幼也，明幽雌雄。

也。雌雄迭興而順，至正之統也。陽曰明，孟長也，陰曰幽，幼小也。太元元告。

云：日月雄雌之序，范注云：日為雄，月為雌，迭代也。中庸曰：日月之代明也，順循也，各循其道也。至行也。正謂正朔年始也，統紀也，建

正以日月之行為紀也。建曰歸于西，起明于東，月歸

于東，起明于西。禮器曰：大明生於東，月生於西，此陰而西行，月出

西方而東行。虞夏之厯，正建於孟春。史記厯書云：昔

作於孟春，索隱云：古厯者謂黃帝調厯以前，有上元

太初厯等，皆以建寅為正，謂之孟春。及顓頊、夏禹亦

然。唯黃帝及殷、周、魯並建子為正，而秦正建亥，漢初

因之。至武帝元封七年，始改用太初厯，仍以周正建

子為十一月朔旦。冬於時，冰泮發蟄，百草權輿，瑞雉

無釋。泮，解散也。月令曰：孟春之月，東風解凍，蟄蟲始

振，夏小正曰：正月啟蟄，言始發蟄也。爾雅曰：權

輿始也百草始生也瑞雉無釋者夏小正曰正月雉震响正月必雷雷不必聞惟雉爲必聞雷則雉震响相識以雷鄭注士虞禮云釋猶遺也無釋者應候而鳴不遺其時也物乃歲俱生於東

以順四時卒于冬分於時雞三號卒明載于青色撫

十二月節卒于丑

物謂萬物歲謂歲星俱生於東者易曰萬物出于震震東方也鄉飲

酒義曰東方者春春之爲言蠢也產萬物者聖也說文云歲木星也越歷二十八宿宜徧陰陽十二月一次天官書云歲星十二歲而周天出常東方以晨釋名云四時四方各一時史記索隱云卒于冬分卒盡也言建麻起孟春盡季冬則一歲之事具也冬盡之後分爲來春故云冬分也三號三鳴也言夜至雞三鳴則天曉乃始爲正月一日言異歲也聘珍謂歲始也青東方之色東方春位其色青也撫循也卒于丑者史記律書云十二月律中大呂大呂者其於十二子爲丑丑者紐也言陽氣在上未降萬物厄紐未敢出日月成歲麻再閏以順天道此謂歲虞汁月也

成歲也

月成歲麻者曾子天圖曰聖人慎守日月之數以察
星辰之行以序四時之順逆謂之麻書曰以閏月定
四時成歲鄭注云以閏月推四時使啟閉分至不失
其常著之用成歲麻再閏以順天道者王氏尙書後
案云攷天體至圓繞地左旋日月皆右旋以麗天之
故皆爲天所曳而左轉晝夜之分必以日之周而爲
限日爲天所曳而繞地一周之間已右行二千九百
三十二里千四百六十一分里之三百四十八矣卽
以此所行之里數爲天之一度故日一晝夜行一度
也日右行一度則比日之而天之左旋者過一度
矣積三百六十五日四分日之一而周復其故處故
分周天之度爲三百六十五日四分日之一而周復
日行之數也月行通率每日十三度四分日之一是
積二十七度九百四十分日之三十一度四分日之一
天自前月合朔以來比月之周天而日又行二十七
度有奇矣故必更越二日凡二十九日九百四十分
日之四百九十九而復與日會是爲一月十二會得
全日三百四十八餘分之積又五千九百八十八如
日法九百四十八而一得六不盡三百四十八通計
日三百五十四日九百四十分日之三十一度四分日
大戴禮記解詁

一歲月行之數也歲有十二月月有三十日三百六

十分者一歲之常數也故日與天會而多五日九百四

九百四十分之二百三十五為氣盈月與日會而少五日

一歲餘十一日弱未滿三歲已成一月則置閏焉故

奇五歲再閏則五十四日有奇一閏率則三十二日有

朔分齊是為一章也聘珍謂虞度也汁合也月謂閏

月歲虞汁月者度歲之氣天曰作明句曰與句惟天

盈朔虛而合之以閏月也天曰作明句曰與句惟天

是戴生也釋名云戴載也載之於頭也與地曰作昌

曰與惟地是事書考靈曜云審地理者昌昌者地之

曰以任地事人曰作樂曰與惟民是嬉樂記曰樂其

以生百物人皆曰與古詁與曰生易曰天地之大德

樂也天地人皆曰與古詁與曰生易曰天地之大德

曰生禮運曰人者天地之心也五行之端也食味別

聲被色而生者也左氏成十三民之動能不遠厥事

年傳曰民受天地之中以生

年傳曰民受天地之中以生

民之悲色不遠厥德

地事顏注漢書高帝紀云悲願

念也色謂形色德天德也孟子曰形色天性也顧念

形色不違天德大甲曰顧諟天之明命也書曰而康

而色曰予此謂表裏時合物之所生而蕃昌之道如

此表裏外內也言民外動不違地事內念不違天德

天曰天子

易曰備物致用立成器以爲天下利莫大

乎聖人白虎通云王者父天母地爲天之

也天子崩步于四川代于四山卒葬曰帝

賈氏周禮

步與酺字異音義同顏注漢書文帝紀云酺之爲言

布也四謂四瀆江淮河濟也步于四川者布告四

川也薛注東京賦云代謝也晉灼云以辭相告曰謝

四山謂四鎮鄭云揚之會稽青之沂山幽之醫無閭

冀之霍山是也左氏隱元年傳曰天子

七月而葬曲禮曰措之廟立之主曰帝

天作仁地作

仁

禮

卷之二

三

富人作治樂治不倦財富時節是故聖人嗣則治帝五

德曰其仁如天白虎通云仁者好生說文云富厚也

易曰坤厚載物作治者易曰聖人南面而聽天下嚮

明而治財地財也時謂天時郊特牲曰取文王治以

財於地取法於天嗣繼也言繼天而王也

文王治以文王治以

俟時俟待也詩曰湯治以伐亂伐謂征伐孟子曰湯

而無敵遜養時晦禹治以移眾眾服以立天下夏本紀云禹命

於天下諸侯百姓興徒人以傅土行山表堯貴以樂治時舉

木與高山大川服悅服也立泣也堯貴以樂治時舉

舜堯貴者帝繫曰帝嚳產放勳是為帝堯史記云帝

內莫不說夷也治時者五帝德曰放勳四時先民治

之書曰欽若昊天厯象日月星辰敬授人時孟子曰

堯獨憂之舉舜治以德使力四代曰舜天德嗣堯力

舜而敷治焉舜治以德使力謂羣臣之功書曰臣作

朕股肱耳目予欲宣力四方汝為在國統民如怨在

論語曰舜有臣五人而天下治在國統民如怨在

家撫官而國安之勿變勸之勿沮民威廢惡如進瓦

上誘善而行罰百姓盡於仁而遂安之此古之明制

之治天下也鄭注大字云統所以合率以等物也如

事也而國讀曰如如進讀曰而如而古文通也良善

也誘道也罰罰惡也越語曰必有以知天地之恆制

乃可以有天下之成利此總仁者爲聖貴次力次美

言堯舜禹湯文王之治也

次射御次古之治天下者必聖人表記曰仁者天下

義曰貴貴爲其近於君也周禮曰治功曰力美善也

謂有善行也王制曰執技以事上者裸股肱決射御

此言聖人治天下聖人有國則日月不食星辰不隕

勃海不運河不滿溢川澤不竭山不崩解陵不施谷

川浴不處深淵不涸虧毀曰食昏義曰男事不脩陽

事不得適見於天日爲之食婦

順不脩陰事不得適見於天月爲之食隕落也左氏
莊七年傳曰星隕如雨勃大也爾雅曰運徙也大阜
曰陵施讀曰移移谷者詩曰高岸爲谷深谷爲陵也
浴讀曰谷爾雅曰水注川曰谿注谿曰谷說文云處
止也不處者川谷之水不壅止也
深淵者水之府奧也涸猶竭也
於時龍至不閉鳳

降忘翼螫獸忘攫爪鳥忘距蜂螫不螫嬰兒蜚虵不

食天駒國閉塞也左氏昭二十九年傳曰古者畜龍故

乃至若泯乘之物乃坻伏鬱湮不育杜注云潭塞也

翼飛也禮運曰鳳以爲畜故鳥不獮孔疏云獮驚飛

也螫獸者夏小正曰熊羆貉豸鼪鼯則穴言螫也攫

搏也爪鳥驚鳥也距者爪相抵也廣雅云蠶蠹也陸

氏釋文云通俗文云長尾爲蠶短尾爲蠹說文云螫

蟲虫行毒也蜚虵讀曰蜚蠹蜚蠹齧人飛蟲天駒吻

積也淮南天文文云
蜚蠹不食駒積
雒出服河出圖自上世以來莫不

降仁國家之昌國家之滅信仁說文云洛水出左馮翊歸德北夷界中

南入渭河水出焯煌塞外昆侖山發原注海服當爲
符易曰河出崑崙洛出書聖人則之鄭注云春秋傳云
河以通乾出天苞洛以流坤吐地符河龍岡發洛龜
書成河圖有九篇洛書有六篇也漢書五行志載劉
歆說云伏犧氏繼天而王受河圖則而畫之八卦是
也西治洪水賜洛書法而陳之洪範是也降歸也昌
盛也賦善也孟子曰三 是故不賞不罰如民咸盡力
代之得天下也以仁

車不建戈遠邇咸服允使來往地賓畢極無怨無惡

率惟懿德此無空禮無空名賢人竝憂殘毒以時省

舉良良舉善善恤民使仁日敦仁賓也中庸曰不賞

而民威於鈇鉞說文云戈平頭戟也考工記曰車軫
四尺謂之一等戈柲六尺又六寸既建而適車不建
戈無非常之變也爾雅曰允繼也允使來往者左氏
襄二十九年傳曰公卿大夫相繼於朝也爾雅曰賓
服也畢盡也又以東至于泰遠西至于邠國南至于
濮鈴北至于祝栗謂之四極空虛也左氏莊十八年

傳曰名位不同禮亦異數不以禮假人賢人謂賢臣爾雅曰憂思也左氏襄二十五年傳曰政如農功日夜思之殘毒賊害人者省祭也敦教也仁愛也賓敬也孝經曰立愛自親始教民睦也立敬自長始教民順也